



Utval: Kommunestyret

Møtestad: Kommunestyresalen, Kommunehuset

Møtedato: 30.03.2017

Møtetid: 18:00 – 22:30

Fylgjande faste medlemmer var til stades:

Navn	Funksjon	Representerer
Halfdan Haugan	Ordførar	AP
Trond Johnsen	Medlem	AP
Jon Svartdal	Varaordførar	H
Hallgeir Ofte	Medlem	AP
Hanne Nordgaard	Medlem	AP
Mona Helen Haugan	Medlem	AP
Edvard Mæland	Medlem	H
Gunnar Eilefstjønn	Medlem	H
Pia Camilla Robertsen	Medlem	H
John Olav Haugetuft	Medlem	SP
Marianne Vadder	Medlem	SP
Henry Mæland	Medlem	SP
Beate Marie Dahl Eide	Medlem	SP
Lars Bjaadal	Medlem	SP
Liv Grethe Ekre	Medlem	SP
Margit Elise Karlsen	Medlem	V
Arvid Martin Vala	Medlem	FRP

Fylgjande medlemmer hadde meldt forfall:

Navn	Funksjon	Representerer
Solveig Sundbø Abrahamsen	MEDL	H
Eivind Skogheim	MEDL	AP
Kristian Espeland	MEDL	KRF
Peter Fjågesund	MEDL	MDG

Fylgjande varamedlemmer møtte:

Navn	Møtte for	Representerer
Arve Lia	Eivind Skogheim	AP
Roar Slinde	Solveig Sundbø Abrahamsen	H
Tone Kari Reiten	Peter Fjågesund	MDG
Kjellaug Westbye Abrahamsen	Kristian Espeland	KRF

Til stades frå administrasjonen:

Navn	Stilling
Per Dehli	Rådmann
Kari Gro Espeland	Kommunalsjef
Ronde Schade	Kommunalsjef
Frid Berge	Kommunalsjef
Ingeborg Nenseter Jensen	Organisasjons- og personalsjef

Protokollunderskrifter:

Halfdan Haugan

Henry Mæland

Orienteringar:

- Orientering om Vest-Telemark Fotball
- Orientering om Seljord Hage

Saksliste

Utvals-saksnr	Innhald	Lukka
	Referatsaker	
RS 1/17	Referatsak	
	Saker til handsaming	
PS 16/17	Interpellasjon nr. 1/2017	
PS 17/17	Interpellasjon nr. 2/2017	
PS 18/17	Godkjenning av protokoll frå forrige møte	
PS 19/17	Melding til Stortinget 11 (2016-2017), Endring og utvikling - En fremtidsrettet jordbruksproduksjon	
PS 20/17	Sal av aksjar i Vegfinans RV36 Telemark AS	
PS 21/17	Sal av Svartdal skule.	
PS 22/17	Forslag til ny bemanningsplan for barnehagane frå hausten 2017	
PS 23/17	Forslag til rammetimetall for grunnskulen 2017/18	
PS 24/17	Skulematordning i grunnskulen og utvida SFO-ordning ved Flatdal skule	
	Referatsaker	
RS 2/17	Tilstandsrapport for grunnskulen 2016	
	Saker til handsaming	
PS 25/17	Bukollektiv og dagaktivitetssenter i Nesvgen 7, vurdering og	

framdrift.

PS 26/17 Forslag til arbeidsprogram 2017

PS 27/17 Vedtak i budsjett 2017 om søkolog

PS 28/17 Nytt val til valstyret for Stortings- og sametingsval 2017 og
Kommuneval 2019

PS 29/17 Digitalisering av Seljord kommune

PS 30/17 Kjøp av tenester frå Tinn kommune

X

Referatsaker

RS 1/17 Referatsak

Saker til handsaming

PS 16/17 Interpellasjon nr. 1/2017

Rådmannen si tilråding:

Saka leggest fram utan tilråding frå rådmannen.

Handsaming i Kommunestyret - 30.03.2017

Interpellanten, Beate Marie Dahl Eide (Sp) la fram si interpellasjon.

Interpellasjon: Korleis ivaretek Seljord kommune sine interesser som eigar i Vest-Telemark næringsbygg/Vest-Telemark Næringsutvikling?

Ordføraren er vald til å vere Seljord kommune sin eigarrepresentant i Vest-Telemark næringsbygg. Selskapet er eigd av kommunane i Vest-Telemark, Drangedal og Hjartdal kommunar. I tillegg eig Telemark fylkeskommune, bankar og private investorar ein del av aksjane i selskapet. Styret i selskapet er identisk med styret i Vest-Telemark næringsutvikling (VTNU), som er eit dotterselskap av VTN. Målet til selskapet er å styrke og vidareutvikle næringslivet i regionen, hovudsakeleg gjennom å delta i ulike næringsbyggprosjekt. Selskapet er ein stor bidragsytar i ulike næringsprosjekt i regionen, og er svært sentral i næringshagearbeidet i Vest-Telemark.

07. april 2016 vedtok kommunestyret eigarskapsmelding for Seljord kommune (sak 29/16). I denne er det nedfelt som prinsipp at ordførar og rådmann ikkje bør vere styrerepresentant i aksjeselskap. Dette er det samme som KS anbefalar for norske kommunar. I påfølgande sak (30/16), i samme møte, handsdama kommunestyret saka «Val av styrekandidater i eksterne verksemder». Der vedtok kommunestyret å gje den politiske valnemnda fullmakt til å velje/foreslå kommunens representantar til styrer i aktuelle aksjeselskap, stiftingar og IKS. Vest-Telemark næringsbygg (VTN) var ikkje nevnt som aktuelt selskap i denne saka.

Kort tid etter dette vedtaket i kommunestyret var det generalforsamling i VTN. Så langt ein har fått brakt på det reine vart det under denne generalforsamlinga, på tross av vanleg kotyme i selskapet, halde «gruppemøte» for dei av eigarrepresentantane som også var medlemmer av Arbeiderpartiet. Etter dette møtet vart ordføraren i Seljord foreslått som fast møtande 1.vara til styret, på tvers av valgkomiteen si innstilling. Valkomiteen hadde foreslått eit kvinneleg medlem heimehøyrande i Drangedal på denne plassen.

Styret i VTN har tradisjonelt vore breidt samansett med tanke på relevant og variert kompetanse og bakgrunn, som ivaretek selskapet sine interesser på best mogeleg måte. Sidan VTN er eit AS har ikkje kommunane foreslått kandidatar til styret slik ein tradisjonelt har gjort i interkommunale selskap. Det er valkomiteen i selskapet si rolle. Noko som også er i tråd med Seljord kommune sin vedtekne eigarskapsstrategi. Benkeforslaget på Seljordsordføraren på dette møtet fekk ikkje fleirtal. Det vart i ettertid påpeika feil ved opptelling av stemmer/bruk av fullmakter på generalforsamlinga, og det måtte difor haldast ei ekstraordinær generalforsamling.

På den nye generalforsamlinga stemte eit fleirtal av dei aksjonærane som då møtte fram for ordføraren i Seljord som 1.vara til styret. Dette valet av Seljord sin ordførar som fast møtande i styret til eit aksjeselskap kommunen er medeigar i reiser ein del problemstillingar som ordføraren og kommunestyret må handtere.

Generalforsamlinga, som ordføraren er valt til å vere ein del av, er eit kontrollorgan overfor styret, og representerer eigarinteressene. Styret skal jobbe for eigarane sine interesser, og følge lojalt dei styrevedtak som vert gjort. Som styremedlem i VTN/VTNU representerar ordføraren i

Seljord no selskapet, og må forhalde seg til aksjelova. Det å vere styremedlem reiser ei rekke utfordringar med tanke på habilitet. I KS sin rettleiar «Anbefalinger om eierstyring, selskapsledelse og kontroll» står det at «Ingen kommunalt ansatte eller folkevalgte skal håndtere saker i kommunen som gjelder et selskap der de selv er styremedlem».

Juridisk sett så skal ordførar som eigarrepresentant fremme kommunen sine eigarinteresser, men har samtidig plass i styret, og skal dermed ha sin lojalitet til selskapet og heile den regionen selskapet har som sitt nedslagsfelt. Det vert då vanskeleg for Seljord kommune å bruke ordføraren som representant for vårt eigarskap i selskapet, og representant for Seljord sine interesse. Ordføraren sit no på begge sider av bordet i det han er både eigarrepresentant og del av selskapet sitt styre.

Det kan i enkelte tilfelle vere interessekonflikt/uenighet mellom enkelteigarar og det fleirtalet av eigarane totalt sett går inn for. Som styrerepresentant er ordføraren bunden til å følgje det fleirtalet av eigarane ynskjer, sjølv om dette kan vere på tvers av Seljord kommune sine ynskjer/prioriteringar. Som del av selskapet sitt styre er ordføraren forhindra frå å jobbe einsidig for Seljord kommune sine interesser/aktuelle næringsprosjekt inn mot VTN AS.

Det er vel også slik at ordføraren i kraft av styrevervet i VTN/VTNU vil vere forhindra frå å diskutere spørsmål knytt til t.d. næringshageutvikling i Seljord, og i Vest-Telemark ellers, med både eigen rådmann og formannskapet sitt, så lenge saker er under arbeid i styret han er ein del av.

Formannskapet og kommunestyret har ikkje på noko tidspunkt diskutert eller bedd ordføraren om å ta dette styrevervet. I eigarskapsmeldinga vedtok me at ordførar ikkje burde inneha slike verv. Ordførar vel likevel å stille som kandidat til styret i VTN.

På bakgrunn av dette vil vi stille følgande spørsmål til ordføraren:

1) Kommunestyret har sagt at ordførar ikkje bør sitte i styret i aksjeselskap, og ordførar har dermed fått tydelege signal frå sin oppdragsgivar. På kva grunnlag fremja ordføraren likevel sitt kandidatur til styret i Vest-Telemark næringsbygg? Kvifor la ikkje ordføraren dette spørsmålet fram for formannskapet eller kommunestyret, ref vedtaka i sak 29/16 og 30/16?

2) Korleis meiner ordføraren han med å ta dette styrevervet føl opp kommunen si eigarskapsmelding?

3) Korleis vil ordførar handtere oppdraget han har fått med å vere eigarrepresentant for Seljord kommune og samtidig ivareta sine plikter som styrerepresentant i VTN, i høve aksjelova?

4) Så langt har ikkje ordføraren meldt seg ugild (inhabil) i saker som gjeld næringshagearbeid i Seljord/regionen elles. Tyder det at ordføraren har meldt seg ugild i slike saker i styret i VTN?

5) Kva rutinar har ordførar og rådmann for dialog/kommunikasjon på næringshagesaker som ordføraren kan vere inhabil i?

6) Før ordføraren tok til i ordførarstillinga i 2015 var han tilsett i VTNU. Er dette eit arbeidsforhold som er avslutta, eller har ordføraren permisjon frå dette arbeidet? I tilfelle det siste; Ser ordføraren noko utfordring med å sitte i styret i ei bedrift han sjølv er tilsett i?

Vi ynskjer å fremme følgande forslag i saka:

«Kommunestyret viser til vedtak i sak 29/16 og 30/16, og ber ordføraren seie frå seg styrevervet i VTN/VTNU. Kommunestyret ber ordføraren halde fram som Seljord kommune sin eigarrepresentant i selskapet si generalforsamling.».

På vegne av Senterpartiet, Venstre og Miljøpartiet De Grønne

Beate Marie Dahl Eide (Sp)

Ordfører Halfdan Haugan (A) kom med fylgjande svar til interpellanten:

Interpellasjon – Korleis ivaretek Seljord kommune sine interesser som eigar i Vest-Telemark Næringsbygg/Vest-Telemark Næringsutvikling

Vest-Telemark Næringsbygg AS (VTN) og dotterselskapet Vest-Telemark Næringsutvikling AS (VTNU) er svært viktige selskap for regionen vår. Dei har bidrege sterkt til bygging av ei rekkje industri og forretningsbygg og nå i seinare tid næringsshagar.

Desse selskapa vil også frametter ha ei viktig rolle av den utviklinga me ynskjer oss i regionen vår og fleire sentrale politikarar har vore styremedlemmer og i dagens styre er varaordfører Tone Dale Solvang i Tokke styremedlem.

I eit aksjeselskap skal styremedlemmene gjera det som er best for selskapet sjølv om det av og til kan gå på bekostning av ein eller fleire eigarars interesser.

Eg legg til grunn at kommunane tidlegare har sett dette selskapets virke som så viktig at dei ynskjer å ha med politikarar i styret for å ivareta den samfunnsoppgåve desse selskapa skal ha og vera med på å løyse. Det er også ordførars grunn til å delta som varamedlem til styret i VTN og VTNU.

Det har så langt ikkje vore utfordringar slik ordfører ser det å håndtere eigarinteressene til Seljord kommune.

Det kan nok kome situasjonar der denne utfordringa er aktuell.

Ordfører ser desse selskapa som så viktige at her er det aktuelt at sentrale politikarar er styremedlemmer sjølv om KS ikkje anbefalar dette. Det er viktig å presisere at det KS tek opp er ei anbefaling og ikkje ein regel og at det er opp til eigarane sjølv om å føreslå kandidatar til styre på selskapets generalforsamling.

Ordfører kjent med at kommunestyret vedtok 7.april i eigarskapsmelding for Seljord kommune at som prinsipp bør ikkje ordfører vera styrerepresentant i aksjeselskap. Dette er ikkje skal men bør og er ei henstilling til å unngå styreverv.

På bakgrunn av dei moment som kjem fram i interpellasjon, dei utfordringane som kan kome og kommunestyrets vedtak av 07.03.16 vil ordfører gå ut av styret som varamedlem i VTN/VTNU og ordfører vil be om å bli bytta ut på neste ordinære generalforsamling.

På spørsmål om Ordfører sitt arbeidsforhold kan det opplysast om at ordfører har permisjon i frå stillinga i VTNU så lenge eg er ordfører i Seljord.

Vedtak i Kommunestyret - 30.03.2017

Interpellasjonen førte ikkje til vedtak i kommunestyret.

PS 17/17 Interpellasjon nr. 2/2017

Rådmannen si tilråding:

Saka leggest fram utan tilråding frå rådmannen.

Handsaming i Kommunestyret - 30.03.2017

Interpellanten, Henry Mæland (Sp) la fram interpellasjonen.

Interpellasjon frå opposisjonen v/ Henry Mæland til kommunestyremøte 30. mars 2017 Samarbeidet i Vest-Telemarkrådet.

Sidan 1993 har Vest-Telemarkrådet vore ein viktig arena for samarbeid og samhandling i regionen. Ikkje minst har rådet vore eit viktig organ for å gje samla uttaler i viktige politiske høyringar, det er sett i gang ei rekkje felles utviklingsprosjekt og det er etablert ei rekkje interkommunale gode ordningar. Rådet består som kjent av ordførarane som saman med regionrådsleiaren skal stå for den daglege drifta av regionssamarbeidet i Vest-Telemark.

Det er vel ikkje tvil om at VTR har gjeve regionen ei sterkare røyst utad og ei rekkje gode, faglege ordningar innad. Utbygginga av breibandnettet er eit eksempel der VTR sterkt har medverka til å få fram utbyggingsmidlar og at det praktisk er sett i gang utbygging av viktig infrastruktur. Utbygginga av barneverntenesta og brannvernteneste er eit anna eksempel.

Det er difor med uro me gjennom fleire mediaoppslag registrerar at det no skurrar i samarbeidet og at det frå dei andre ordførarane kjem uttaler som langt på veg må oppfattast som mistillit mot vår eigen ordførar som er vår representant i rådet. Bakgrunn er uttaler som vår ordførar kom med gjennom regionen sin representasjon i styringsgruppa for gjennomføring av politireformen. Kritikken som kjem fram i media går på at regionen sin representasjon i styringsgruppa blei utnytta til å snakke fram lokalisering i eigen kommune på bekostning av lokalisering i nabokommune.

Me er sjølvstelt glad for at politiet bestemte seg for å ha kontor både i Seljord og Kviteseid. Og det på tross av at ordførar tidlegare, med bakgrunn i posisjonen sitt framlegg, signerte ei fellesuttale med Kviteseidordføraren om at me kunne klare oss med eit felles kontor og at politimesteren fekk avgjere lokaliseringa. Og når den administrative innstillinga frå politiet om lokalisering i Kviteseid låg føre, meiner me det også var greitt at ordføraren i eit brev frå Seljord kommune peika på dei føremoner politiet ville ha ved å ha eit kontor i Seljord. Då snakke me på vegne av oss sjølve. Det var det som blei sagt i fora der regionen skulle representerast som blei problemet.

Spørsmålet er av prinsipiell karakter. Og det går på kva omdømme ordførar og også kommune skal ha. I politisk arbeid kan det ikkje vere slik at målet heilaggjer middelet. Tidlegare har ordføraren måtte beklage for formannskapet at ikkje alle informasjon kom fram i ei sak. Ordførar har eit særleg ansvar for at sakshandsaming og politisk opptreden er rettviss. Dette gjeld også i samarbeid med andre kommunar der samarbeidet i stor grad er tufta på tillit. Det betyr ikkje at me skal vera samde i alt, men spelereglane må me vera samde om. Den uro som no er oppstade har og vil kunne verke negativt inn på samarbeidsklima og vitale samarbeidsområde for kommunen vår framover. Me må difor be ordførar gjer greie for:

- Samarbeidssituasjonen i VTR
- Korleis han vurderar sin tidlegare strategi om eitt lensmannskontor felles med Kviteseid
- Kva han vil gjere for å gjenopprette tillit i VT-samarbeidet.

Og for å vere tydeleg kjem me med fylgjande framlegg til vedtak som eg håpar kommunestyret kan slutte seg til:

- *Kommunestyret i Seljord understrekar at me ser regionsamarbeidet i Vest-Telemark som viktig. Det har vore viktig i dei 24 åra det har eksistert og blir viktig for regionen*

framover. Samarbeidet bygger på tillit og me har forventning til eigne og andre representantar at dette blir lagt til grunn for samarbeidet framover. Saman med dei andre kommunane i regionen vil Seljord medverke til gode felles tiltak og til eit godt omdømme for regionen gjennom at me gjensidig snakkar kvarandre fram og ikkje ned.

- *Kommunestyret forventar at ordførar følgjer opp VTR sitt vedtak om at deira representantar skal ivareta regioninteressene, at det blir lagt vekt på tillitskapande arbeid i samarbeidet med nabokommunane, meir opne politiske prosessar og ei styrka rolleforståing.*

Ordførar Halfdan Haugan (A) ga fylgjande svar til interpellanten:

Interpellasjon – Samarbeid i Vest-Telemark rådet

Det samarbeidet som me har hatt og har i Vest-Telemark gjennom Vest-Telemark rådet (VTR) og Vest-Telemark tinget har vore svært viktig, det er det fortsatt og det kjem det til å vera frametter. Det gjev oss moglegheit til å løyse ein del oppgåver saman og vera eit talerør til sentrale styremakter til det beste for innbyggjarane våre.

Eg har gjennom tida opplevd samarbeidet som godt, det har vore utfordringar særleg kring lokaliserings diskusjonar, det har det vore før og det har det vore i denne perioden.

Det er også utfordrande for samarbeidet når einskilde ordførar hevdar at "alt havnar i Seljord" når det ikkje stemmer.

Dei lokaliseringar me har av felles funksjonar er det Kviteseid som har Renovest IKS, Barnevernsamarbeidet i Vest-Telemark, Vest-Telemark Næringsbygg/Vest-Telemark Næringsutvikling, Vest-Telemark Rådet, Vest Telemark PP tenesete. I Tokke har me Vest-Telemark Kraftlag og Vest Telemark Brannvesen. I Seljord har 3 av Vest-Telemark kommunane felles jordmorvakt.

Eg opplever likevel at til ein kvar tid sitjande ordførarar i kommunane ser på arbeidet i Vest-Telemark rådet som viktig for regionen vår og for den einskilde kommune, det gjer også dagens Seljord ordførar.

Ser ein spesielt på denne perioden så har det vore krevjande kring kommunereforma, traseval på E134 og Nærpolitireforma.

Alle ordførarane må i arbeidet i VTR ha med seg dei politiske vedtaka som er gjort i sine heimkommunar men ofte så blir også sakene i VTR drøfta før det er fatta politiske vedtak i kommunane.

I saka rundt Kommunereforma der nokre av oss hadde intensjonsavtaler og andre ikkje ville diskutere kommunereforma var krevjande. Dei valde forhandlings utvala måtte også rådføre seg med sine respektive politiske fora i sine heimkommunar for så å koma tilbake til forhandlingsbordet.

I vedtektene for VTR er det moglegheit for kvar enkelt ordførar å leggje ned vedto om å ha ei sak på dagsorden i VTR. Dette benytta ordføraren i Vinje seg av i saka rundt traseval på E134 og me fekk derfor ikkje moglegheit til å drøfte denne viktige saka for Vest-Telemark for å sjå på kva moglegheitar og utfordringar dei to trasevala vil ha for regionen vår.

Nærpolitireforma som handlar blant anna om lokalisering av Lensmannskontor har også vore krevjande. Det var i frå sentralt hald eit ynskje om å redusere antall Lensmannskontor som i starten av arbeidet vart lagt opp til eit Lensmannskontor i Vest-Telemark. Vidare i det arbeidet blei ei arbeidsgruppe i politiet sett ned og i siste liten fekk Kviteseid inn Lensmannen sin i den gruppa som skulle arbeide fram eit forslag til ny kontorstruktur i Sør Øst politidistrikt. Ingen andre frå Lensmannskontora i Vest-Telemark var representert i arbeidsgruppa. Politikarane blei invitert til å delta i ei styringsgruppe og ved fyrste samling var ordførarane i Vest-Telemark tilstades men det var eit ynskje i frå Politiet at det skal vera ein representant frå kvart regionråd (VTR). VTR valgte Regionordførar Erik Skjervagen og Regionvaraordførar Jon Rikard Kleven til å representere Vest-Telemark kommunane.

Før eit mykje omtala møte i styringsgruppa som var i Drammen 12. des 2016 tok ordførar kontakt med Erik Skjervagen og Jon Rikard Kleven om dei skulle møte her. Kleven bekrefta at han skulle møte og Skjervagen gav beskjed om at det var liten vits i å møte så han prioritera annerledes.

Ordførar presisera for Skjervagen at dette var siste moglegheit til å koma med innspel så eg hadde håpa at han ville møte.

Svaret frå Skjervagen var at eg kunne møte i staden for han.

På dette tidspunktet var tilrådinga frå arbeidsgruppa i Politiet som Kviteseid Lensmannen var medlem av, at det skulle vera to Lensmannskontor i Vest-Telemark, eit i Kviteseid og eit i Vinje. Ordførar møtte i styringsgruppe 12.des 2016 i Drammen og i dette møte prata ordførar fram Seljord Lensmannskontor som også framtidig lokalisering og alle dei gode argument som ligg til grunn for det. Eg meiner at Seljord er ei betre lokalisering enn Kviteseid for ein framtidig kontorstruktur som kan overleve over tid og dette skulle eg ikkje ha sagt i dette møte.

Hadde ikkje ordførar argumentera for Seljord i dette møte hadde etter mitt syn neppe Seljord Lensmannskontor vore med i Politimester Christine Fossen sitt framlegg og som Politidirektoratet nå har stadfesta som ein del av ny kontorstruktur.

Resultatet er at Vest-Telemark får 4 lensmannskontor, Seljord, Kviteseid, Nissedal og Vinje. I ettertid har Fyresdal og Tokke kommunar anka avgjerda inn til Politidirektoratet.

Ordførar har heile tida vore klar over vedtaket som kommunestyret har gjort om at ein gjekk inn for eit felles Lensmannskontor og at det var opp til Politiet å bestemme lokalisering av kontoret. Dette vedtaket hindra ikkje å argumentere for at det nye felles Lensmannskontoret blei lokalisera til Seljord. Kommunane fekk også invitasjon frå Politiet til å koma med innspel til framlegget fram til Politimester Christine Fossen skulle gjeva si endelege tilråding til Politidirektoratet. Seljord kommune nytta seg av denne moglegheiten og sende inn skriftleg kommentarar på arbeidsgruppa tilråding.

Ordførar er nøgd med at opposisjon er opptatt av eit godt samarbeid i Vest-Telemark og set dette på dagsorden, og reknar med at opposisjon også bidreg til å styrke dette arbeidet gjennom sine politiske parti i Vest-Telemark.

Ordførarane i Vest-Telemark hadde etter siste VTR møte i Kviteseid 14. mars eit internt møte der me drøfta samarbeid og me "lufta ut" dei utfordringane som har vore. Dette var ein svært viktig prat for å få til best mogleg samarbeid og samhandling frametter.

VTR gjorde også fylgjande vedtak i rådsmøte 14.03.17

Etter ordskifte i saken vart det gjort slikt samrøystes vedtak:

Ved framtidige val av representantar frå Vest-Telemarkrådet til ulike arbeidsgrupper og utval, skal det alltid veljast vararepresentantar.

Rådet presiserer at dei valde representantane i slike samanhengar skal ivareta regionens interesser framfor interessene til egen kommune.

Ordførar vil arbeide aktivt for best mogleg samarbeid i Vest-Telemark og støttar fullt ut det VTR vedtok 14.03.17 og ber om kommunestyrets tilslutning til det.

Framlegg til vedtak:

Frå ordførar Halfdan Haugan (A):

Ordførar vil arbeide aktivt for best mogleg samarbeid i Vest-Telemark og støttar fullt ut det VTR vedtok 14.03.17 og ber om kommunestyrets tilslutning til det.

Framlegget frå ordføraren vart samrøystes vedteke.

To framlegg frå interpellanten Henry Mæland (Sp):

Kommunestyret i Seljord understreker at me ser samarbeidet i Vest-Telemark som viktig. Dette har vore viktig i dei 24 åra det har eksistert og blir viktig for regionen framover. Samarbeidet bygger på tillit og me har forventning til eigne og andre representantar at dette blir lagt til grunn for samarbeidet framover. Saman med dei andre kommunane i regionen vil Seljord medverke til gode felles tiltak og til eit godt omdømme for regionen gjennom at med gjensidig snakkar kvarandre fram og ikkje ned.

Framlegget vart avvist med 12 mot 9 røyster.

Kommunestyret forventar at ordførar fylgjer opp VTR sitt vedtak om at deira representantar skal ivareta regioninteressene, at det blir lagt vekt på tillitsskapande arbeid i samarbeidet med nabokommunane, meir opne politiske prosessar og ei styrka rolleforståing.

Framlegget vart avvist med 12 mot 9 røyster.

Vedtak i Kommunestyret - 30.03.2017

Ordførar vil arbeide aktivt for best mogleg samarbeid i Vest-Telemark og støttar fullt ut det VTR vedtok 14.03.17 og ber om kommunestyrets tilslutning til det.

PS 18/17 Godkjenning av protokoll frå forrige møte

Handsaming i Kommunestyret - 30.03.2017

Merknad frå Margit Karlsen (V):

Det er brukt feil etternamn i store deler av protokollen frå siste møte i formannskapet. Administrasjonen sørgjer for rett namn i møtedokument.

Sak om Tilstandsrapport for grunnskulen 2016 er ved ein feil ført opp som referatsak. Saken fremmes som politisk sak i neste kommunestyre.

Protokoll frå førige møte vart samrøystes godkjent.

Vedtak i Kommunestyret - 30.03.2017

Protokoll frå førige møte i kommunestyret er godkjent.

PS 19/17 Melding til Stortinget 11 (2016-2017), Endring og utvikling - En fremtidsrettet jordbruksproduksjon

Rådmannen si tilråding:

Saka leggest fram utan tilråding frå rådmannen.

Handsaming i Kommunestyret - 30.03.2017

Framlegg frå Seljord Arbeidarparti v/Trond Johnsen:

"Seljord kommune støttar oppropet frå Norddal kommune"

Vedteke mot 7 røyster.

Vedtak i Kommunestyret - 30.03.2017

"Seljord kommune støttar oppropet frå Norddal kommune"

PS 20/17 Sal av aksjar i Vegfinans RV36 Telemark AS

Rådmannen si tilråding:

Rådmannen rår formannskapet til å legge fylgjande framlegg til vedtak fram for kommunestyret:

Seljord kommune vedtek å selje 10 aksjar i Vegfinans RV36 Telemark AS til Vegfinans AS.

Handsaming i Formannskap/økonomiutval - 02.03.2017

Rådmannen si tilråding vart samrøystes vedteke.

Vedtak i Formannskap/økonomiutval - 02.03.2017

Formannskapet/økonomiutvalet rår kommunestyret til å fatte fylgjande vedtak:

Seljord kommune vedtek å selje 10 aksjar i Vegfinans RV36 Telemark AS til Vegfinans AS.

Handsaming i Kommunestyret - 30.03.2017

Formannskapet/økonomiutvalet si tilråding vart samrøystes vedteke.

Vedtak i Kommunestyret - 30.03.2017

Seljord kommune vedtek å selje 10 aksjar i Vegfinans RV36 Telemark AS til Vegfinans AS.

PS 21/17 Sal av Svartdal skule

Grendelaget har opplyst at det kan vera aktuelt å flytte bygget lenger sør i bygda, til ei tomt nærare E 134. Det er då tenkt nytta i samband med opplevingsvegen Gvammen-Århus.

Rådmannen vil utfrå det som har kome fram tilrå ei 'todela' løysing: Grendelaget får kjøpe skulebygningen og Gunnar Bakkemoen får kjøpe tomta. Forutsetninga er at skulebygget vert flytta.

Kommunestyret gjorde i møte 14.02.13 fylgjande vedtak:

Pris for kjøp av tilleggsareal til bustadtomter i Flatdal og Åmotsdal er 50,-kr. pr. m².

Legg ein dette til grunn ved salg av skuletomta, som ifylgje skøyte er på 887,5 m², vil salgsummen bli på kr.44.375,- + omkostningar.

Når det gjeld bygningen ser rådmannen det som positivt dersom nokon vil taka var på den, og tilrår at grendelaget får kjøpe den for kr. 1,-, ei krone, på vilkår av at den vert flytta innan utgangen av 2018.

Rådmannen si tilråding:

Rådmannen rår formannskapet til å gjera fylgjande vedtak:

Formannskap/økonomiutvalet rår kommunestyret til å gjera fylgjande vedtak : Seljord kommune vedtek å selja Svartdal skule, skulebygningen, til Svartdal grendelag for kr. 1,-. Vilkåret er at bygningen vert flytta innan utgangen av 2018. Vidare vedtek kommunen å selja tomta, gnr 82, bnr. 13 med påståande uthus, til Gunnar Bakkemoen for kr. 44.375,- + omkostningar.

Handsaming i Formannskap/økonomiutval - 02.03.2017

Framlegg frå Senterpartiet v/Henry Mæland:

Seljord kommune vedtek å selja Svartdal skule, skulebygningen, til Svartdal grendelag for kr. 1,-. Vilkåret er at bygningen vert flytta innan utgangen av 2020.

Vidare vedtek kommunen å selja tomta, gnr 82, bnr. 13 med påståande uthus, til Gunnar Bakkemoen for kr. 44.375,- + omkostningar.

Framlegget frå Senterpartiet v/Henry Mæland vart samrøystes.

Vedtak i Formannskap/økonomiutval - 02.03.2017

Formannskapet/økonomiutvalet rår kommunestyret til å fatte fylgjande vedtak:

Seljord kommune vedtek å selja Svartdal skule, skulebygningen, til Svartdal grendelag for kr. 1,-. Vilkåret er at bygningen vert flytta innan utgangen av 2020.

Vidare vedtek kommunen å selja tomta, gnr 82, bnr. 13 med påståande uthus, til Gunnar Bakkemoen for kr. 44.375,- + omkostningar.

Handsaming i Kommunestyret - 30.03.2017

Formannskapet/økonomiutvalet si tilråding vart samrøystes vedteke.

Vedtak i Kommunestyret - 30.03.2017

Seljord kommune vedtek å selja Svartdal skule, skulebygningen, til Svartdal grendelag for kr. 1,-. Vilkåret er at bygningen vert flytta innan utgangen av 2020.

Vidare vedtek kommunen å selja tomta, gnr 82, bnr. 13 med påståande uthus, til Gunnar Bakkemoen for kr. 44.375,- + omkostningar.

PS 22/17 Forslag til ny bemanningsplan for barnehagane frå hausten 2017

Rådmannen si tilråding:

Rådmannen rår til at ny bemanningsplan for barnehagane blir vedtatt slik det går fram av saksframlegget og med verknad frå hausten 2017. I tillegg ynskjer ein å avgrense opphaldstida for barna i barnehagen ved å innarbeide fylgjande tillegg i vedtektene for barnehagane, punkt 3:

Barnehagane er stengt i veke 29, 30 og 31 og mellom jol og nyttår. Normal opphaldstid per dag for barn i barnehagen bør ikkje overstige 8 timar.

Ein ber samstundes administrasjonen leggje fram ei ny sak for formannskapet i løpet av året med fokus på organisering av leing i barnehagane frå og med 2018/19.

Handsaming i Formannskap/økonomiutval - 02.03.2017

Framlegg frå Venstre v/Margit Elise Karlsen:

Setning om "*Normal opphaldstid per dag for barn i barnehagen bør ikkje overstige 8 timar.*" fjernast.

Framlegg frå Venstre v/Margit Elise Karlsen vart samrøystes vedteke.

Vedtak i Formannskap/økonomiutval - 02.03.2017

Formannskapet/økonomiutvalet rår kommunestyret til å fatte fylgjande vedtak:

Ny bemanningsplan for barnehagane blir vedtatt slik det går fram av saksframlegget og med verknad frå hausten 2017. I tillegg ynskjer ein å avgrense opphaldstida for barna i barnehagen ved å innarbeide fylgjande tillegg i vedtektene for barnehagane, punkt 3:

Barnehagane er stengt i veke 29, 30 og 31 og mellom jol og nyttår.

Ein ber samstundes administrasjonen leggje fram ei ny sak for formannskapet i løpet av året med fokus på organisering av leing i barnehagane frå og med 2018/19.

Handsaming i Kommunestyret - 30.03.2017

Formannskapet/økonomiutvalet si tilråding vart samrøystes vedteke.

Vedtak i Kommunestyret - 30.03.2017

Ny bemanningsplan for barnehagane blir vedtatt slik det går fram av saksframlegget og med verknad frå hausten 2017. I tillegg ynskjer ein å avgrense opphaldstida for barna i barnehagen ved å innarbeide fylgjande tillegg i vedtektene for barnehagane, punkt 3:

Barnehagane er stengt i veke 29, 30 og 31 og mellom jol og nyttår.

Ein ber samstundes administrasjonen leggje fram ei ny sak for formannskapet i løpet av året med fokus på organisering av leing i barnehagane frå og med 2018/19.

PS 23/17 Forslag til rammetimetall for grunnskulen 2017/18

Rådmannen si tilråding:

Rådmannen rår formannskapet til å fatte følgjande vedtak:

Rammetimetal til skulane blir fordelt slik det går fram av saksframstillinga.

Handsaming i Formannskap/økonomiutval - 02.03.2017

Rådmannen si tilråding vart samrøystes vedteke.

Vedtak i Formannskap/økonomiutval - 02.03.2017

Formannskapet/økonomiutvalet rår kommunestyret til å fatte følgjande vedtak:

Rammetimetal til skulane blir fordelt slik det går fram av saksframstillinga.

Handsaming i Kommunestyret - 30.03.2017

Framlegg frå Edvard Mæland (H) på vegne av kommunestyret:

Tillegg til vedtak i formannskapet:

Med tilvisning til formannskapsvedtak 9/17 ynskjer kommunestyret å presisere at det ikkje er ønskeleg med ei geografisk strukturvurdering.

Framlegget frå Edvard Mæland (H) vart samrøystes vedteke.

Formannskapet/økonomiutvalet si tilråding vart samrøystes vedteke.

Vedtak i Kommunestyret - 30.03.2017

Rammetimetal til skulane blir fordelt slik det går fram av saksframstillinga. Med tilvisning til formannskapsvedtak 9/17 ynskjer kommunestyret å presisere at det ikkje er ønskeleg med ei geografisk strukturvurdering.

PS 24/17 Skulematordning i grunnskulen og utvida SFO-ordning ved Flatdal skule

Rådmannen si tilråding:

SFO:

Seljord kommune ynskjer å leggje til rette for ei fleksibel SFO-ordning. Ein ber difor administrasjonen innarbeide følgjande endringar i vedtektene med verknad frå august 2017:

Nytt punkt 4 : Opningstid.

"Skulefritidsordninga er open alle dagar mellom kl. 07.30 og 16.30, når det ikkje er skule for elevane på 1. til 4. årstrinn. Tilbodet dekker 11 månader og er stengt i juli. (ope i haust-, vinter- og påskeferien, samt ut juni og frå 1. august). For at tilbodet skal ha ope på skulefrie dagar eller ferie, kan tilbodet bli organisert ved bare ein av skulane."

Nytt punkt 8 : Økonomi.

"Foreldra betalar ein månadspris for opphaldet i skulefritidsordninga. Foreldrebetalinga vert fastsett av kommunestyret. For plass i skulefritidsordninga vert det betalt for 11 månader, 5 om

hausten og 6 om våren. Det blir gitt 50 % søskenmoderasjon for barn utover eitt. Dette gjeld ikkje ved kjøp av ekstra timar. Manglande betaling kan føre til at plassen blir oppsagt."

Innføring av fem dagar skule for 1.-4. trinn.

Seljord kommune ynskjer fem dagar skuleveke for alle elevar i grunnskulen frå skuleåret 2018/19, med timetal som det går fram av nasjonal fag- og timefordeling.

Formannskapet ber administrasjonen starte planarbeidet saman med skulane og leggje saka fram på nytt i budsjetthandsaminga hausten 2017.

Skulemat.

Skulemat/kantineordning for alle elevar i grunnskulen er vanskeleg å gjennomføre utan store investeringar i kjølerom og lokalar ved barneskulen. Ordninga vil og føre til auke av driftskostnader. Ein rår til å halde fram med kantineordninga for ungdomsskulen slik den er i dag og ikkje utvide ordninga ytterlegare.

Handsaming i Formannskap/økonomiutval - 02.03.2017

Framlegg frå Senterpartiet v/Beate Marie Dahl Eide: (Tillegg til rådmannen si tilråding)
Seljord kommune er positiv til å innføre skulemat for alle elevane i skulen, og ber administrasjonen jobbe vidare med ulike måtar dette kan realiserast på i framtida.

Framlegget frå Senterpartiet v/Beate Marie Dahl Eide vart samrøystes vedteke.

Vedtak i Formannskap/økonomiutval - 02.03.2017

Formannskapet/økonomiutvalet rår kommunestyret til å fatte fylgjande vedtak:

SFO:

Seljord kommune ynskjer å leggje til rette for ei fleksibel SFO-ordning. Ein ber difor administrasjonen innarbeide følgjande endringar i vedtektene med verknad frå august 2017:

Nytt punkt 4 : Opningstid.

"Skulefritidsordninga er open alle dagar mellom kl. 07.30 og 16.30, når det ikkje er skule for elevane på 1. til 4. årstrinn. Tilbodet dekker 11 månader og er stengt i juli. (ope i haust-, vinter- og påskeferien, samt ut juni og frå 1. august). For at tilbodet skal ha ope på skulefrie dagar eller ferie, kan tilbodet bli organisert ved bare ein av skulane."

Nytt punkt 8 : Økonomi.

"Foreldra betalar ein månadspris for opphaldet i skulefritidsordninga. Foreldrebetalinga vert fastsett av kommunestyret. For plass i skulefritidsordninga vert det betalt for 11 månader, 5 om hausten og 6 om våren. Det blir gitt 50 % søskenmoderasjon for barn utover eitt. Dette gjeld ikkje ved kjøp av ekstra timar. Manglande betaling kan føre til at plassen blir oppsagt."

Innføring av fem dagar skule for 1.-4. trinn.

Seljord kommune ynskjer fem dagar skuleveke for alle elevar i grunnskulen frå skuleåret 2018/19, med timetal som det går fram av nasjonal fag- og timefordeling.

Formannskapet ber administrasjonen starte planarbeidet saman med skulane og leggje saka fram på nytt i budsjetthandsaminga hausten 2017.

Skulemat.

Seljord kommune er positiv til å innføre skulemat for alle elevane i skulen, og ber administrasjonen jobbe vidare med ulike måtar dette kan realiserast på i framtida.

Skulemat/kantineordning for alle elevar i grunnskulen er vanskeleg å gjennomføre utan store investeringar i kjølerom og lokalar ved barneskulen. Ordninga vil og føre til auke av driftskostnader. Ein rår til å halde fram med kantineordninga for ungdomsskulen slik den er i dag.

Handsaming i Kommunestyret - 30.03.2017

Formannskapet/økonomiutvalet si tilråding vart samrøystes vedteke.

Vedtak i Kommunestyret - 30.03.2017

SFO:

Seljord kommune ynskjer å leggje til rette for ei fleksibel SFO-ordning. Ein ber difor administrasjonen innarbeide følgjande endringar i vedtektene med verknad frå august 2017:

Nytt punkt 4 : Opningstid.

"Skulefritidsordninga er open alle dagar mellom kl. 07.30 og 16.30, når det ikkje er skule for elevane på 1. til 4. årstrinn. Tilbodet dekker 11 månader og er stengt i juli. (ope i haust-, vinter- og påskeferien, samt ut juni og frå 1. august). For at tilbodet skal ha ope på skulefrie dagar eller ferie, kan tilbodet bli organisert ved bare ein av skulane."

Nytt punkt 8 : Økonomi.

"Foreldra betalar ein månadspris for opphaldet i skulefritidsordninga. Foreldrebetalinga vert fastsett av kommunestyret. For plass i skulefritidsordninga vert det betalt for 11 månader, 5 om hausten og 6 om våren. Det blir gitt 50 % søskenmoderasjon for barn utover eitt. Dette gjeld ikkje ved kjøp av ekstra timar. Manglande betaling kan føre til at plassen blir oppsagt."

Innføring av fem dagar skule for 1.-4. trinn.

Seljord kommune ynskjer fem dagar skuleveke for alle elevar i grunnskulen frå skuleåret 2018/19, med timetal som det går fram av nasjonal fag- og timefordeling.

Formannskapet ber administrasjonen starte planarbeidet saman med skulane og leggje saka fram på nytt i budsjetthandsaminga hausten 2017.

Skulemat.

Seljord kommune er positiv til å innføre skulemat for alle elevane i skulen, og ber administrasjonen jobbe vidare med ulike måtar dette kan realiserast på i framtida.

Skulemat/kantineordning for alle elevar i grunnskulen er vanskeleg å gjennomføre utan store investeringar i kjølerom og lokalar ved barneskulen. Ordninga vil og føre til auke av driftskostnader. Ein rår til å halde fram med kantineordninga for ungdomsskulen slik den er i dag.

Referatsaker

RS 2/17 Tilstandsrapport for grunnskulen 2016

Saker til handsaming

PS 25/17 Bukollektiv og dagaktivitetssenter i Nesvgen 7, vurdering og framdrift.

Rådmannen si tilråding:

- Behovet for sjukeheims plassar og korleis dette skal løysast på kort og lang sikt, skal synleggjerast i kommunen sitt planarbeid i samband med budsjett 2018 og økonomiplan 2018-2021.
- Nesvegen 7 med dagaktivitetssenter og to nye plassar på avdeling for demente skal realiserast slik prosjekt ligg føre.

Handsaming i Formannskap/økonomiutval - 02.03.2017

Framlegg frå ordførar Halfdan Haugan:

Det er behov for nye sjukeheims plassar i Seljord, ref oversikt som formannskapet får av administrasjon og som viser at me kjøper fleire plassar periodevis av nabokommunane. Me har også fått eit bekjymringsbrev frå Fagforbundet og Sjukepleiarforbundet som tek opp same tema.

Framlegg til vedtak:

Seljord kommune realiserar prosjektet Nesvegen 7 slik det ligg føre.

Arbeidet med å få etablera nye sjukeheims plassar ved Nesbukti pleie og omsorgssenter startar opp som eige prosjekt. Dette prosjektet må planlegge nye sjukeheims plassar både på kort og lang sikt. Formannskapet får ein status på dette arbeidet i sitt møte 24. august.

Første ledd i framlegget frå ordførar Halfdan Haugan vart samrøystes vedteke.

Andre ledd i framlegget frå ordførar Halfdan Haugan vart vedteke mot ei røyst.

Vedtak i Formannskap/økonomiutval - 02.03.2017

Formannskapet/økonomiutvalet rår kommunestyret til å fatte fylgjande vedtak:

Seljord kommune realiserar prosjektet Nesvegen 7 slik det ligg føre.

Arbeidet med å få etablera nye sjukeheims plassar ved Nesbukti pleie og omsorgssenter startar opp som eige prosjekt. Dette prosjektet må planlegge nye sjukeheims plassar både på kort og lang sikt. Formannskapet får ein status på dette arbeidet i sitt møte 24. august.

Handsaming i Råd for menneske med nedsett funksjonsevne - 21.03.2017

Samrøystes vedteke.

Vedtak i Råd for menneske med nedsett funksjonsevne - 21.03.2017

Rådet for menneske med nedsett funksjonsevne sluttar seg til formannskapet si tilråding til kommunestyret.

Handsaming i Eldreråd - 21.03.2017

Samrøystes vedteke.

Vedtak i Eldreråd - 21.03.2017

Eldrerådet sluttar seg til formannskapet si tilråding til kommunestyret.

Handsaming i Kommunestyret - 30.03.2017

Formannskapet/økonomiutvalet si tilråding vart samrøystes vedteke.

Vedtak i Kommunestyret - 30.03.2017

Seljord kommune realiserar prosjektet Nesvegen 7 slik det ligg føre.

Arbeidet med å få etablere nye sjukeheims plassar ved Nesbukti pleie og omsorgssenter startar opp som eige prosjekt. Dette prosjektet må planlegge nye sjukeheims plassar både på kort og lang sikt. Formannskapet får ein status på dette arbeidet i sitt møte 24. august.

PS 26/17 Forslag til arbeidsprogram 2017

Rådmannen si tilråding:

Rådmannen rår formannskapet å fatte følgjande vedtak:
Formannskapet rår kommunestyret å godkjenne arbeidsprogram 2017 for programområda.
Rapportering og status på tiltak blir i samband med budsjettkontroll i juni og oktober 2017.

Handsaming i Formannskap/økonomiutval - 02.03.2017

Rådmannen si tilråding vart samrøystes vedteke.

Vedtak i Formannskap/økonomiutval - 02.03.2017

Formannskapet/økonomiutvalet rår kommunestyret til å fatte følgjande vedtak:
Formannskapet rår kommunestyret å godkjenne arbeidsprogram 2017 for programområda.
Rapportering og status på tiltak blir i samband med budsjettkontroll i juni og oktober 2017.

Handsaming i Kommunestyret - 30.03.2017

Framlegg frå Edvard Mæland (H):

"Kommunestyret tek arbeidsprogram 2017 til orientering."

Framlegget frå Edvard Mæland (H) vart samrøystes vedteke.

Vedtak i Kommunestyret - 30.03.2017

Kommunestyret tek arbeidsprogram 2017 til orientering.

PS 27/17 Vedtak i budsjett 2017 om søkolog

Rådmannen si tilråding:

Saka leggst fram utan tilråding frå rådmannen.

Handsaming i Kommunestyret - 30.03.2017

Framlegg frå ordførar Halvdan Haugan (A):

Det skal vera ein eigen ressurs som arbeider med denne oppgåva i Seljord kommune. For å få til ein best mogleg start på bruk av ressurs der ein også kan gå igjennom aktuelle prosjekt vil kommunestyret setja ned ei politisk adhoc gruppe på 5 medlemmar.

Adhoc gruppa kan også sjå på disponering av avsett økonomiske midlar.

Frå posisjonen:

Halfdan Haugan (leiar), Pia Groven Robertsen, Kristian Espeland. Vara Gunnar Eilefstjønn.

Frå opposisjonen:

Beate Marie Dahl Eide med Margit Karlsen som vara og Henry Mæland med Lars Bjådal som vara.

Framlegget frå ordføraren vart samrøystes vedteke.

Vedtak i Kommunestyret - 30.03.2017

Det skal vera ein eigen ressurs som arbeider med denne oppgåva i Seljord kommune. For å få til ein best mogleg start på bruk av ressurs der ein også kan gå igjennom aktuelle prosjekt vil kommunestyret setja ned ei politisk adhoc gruppe på 5 medlemmar.

Adhoc gruppa kan også sjå på disponering av avsett økonomiske midlar.

Frå posisjonen:

Halfdan Haugan (leiar), Pia Groven Robertsen, Kristian Espeland. Vara Gunnar Eilefstjønn.

Frå opposisjonen:

Beate Marie Dahl Eide med Margit Karlsen som vara og Henry Mæland med Lars Bjådal som vara.

PS 28/17 Nytt val til valstyret for Stortings- og sametingsval 2017 og Kommuneval 2019

Rådmannen si tilråding:

Rådmannen rår kommunestyret til å fatte fylgjande vedtak:

Kommunestyret gjennomfører nytt val til valstyret for Stortingsval/Sametingsval 2017 og kommuneval 2019.

Handsaming i Kommunestyret - 30.03.2017

Framlegg frå Edvard Mæland (H):

Solveig Sundbø Abrahamsen går ut av valstyret og erstattast av Gunnar Eilefstjønn.

Pia Camilla Groven Robertsen rykker opp til fyrste vara for H, Krf og Frp.

Edvard Mæland tek plass som 4. vara for H, Krf og Frp.

Framlegget frå Edvard Mæland vart samrøystes vedteke.

Vedtak i Kommunestyret - 30.03.2017

Valstyre i Seljord kommune er satt saman på fylgjande måte:

Medlemmer:

Halfdan Haugan, AP
Hanne Nordgaard, Ap
Gunnar Eilefstjønn, H
Jon Svartdal, H
Henry Mæland, SP
Beate Marie Dahl Eide, SP
Margit E. Karlsen Rinde, V

Varamedlemmer**AP:**

1. Eivind Skogheim
2. Mona Helen Haugan
3. Trond Johnsen
4. Hallgeir Ofte

H, KRF, FRP

1. Pia Camilla Groven Robertsen
2. Kristian Espeland
3. Arvid Vala
4. Edvard Mæland

SP, V, MDG

1. Lars Bjaadal
2. Marianne Vadder
3. Peter Fjågesund
4. Liv Grete Ekre

Leiar for Valstyret: Halfdan Haugan (A)

Nestleiar for valstyret: Jon Svartdal (H)

PS 29/17 Digitalisering av Seljord kommune**Rådmannen si tilråding:**

Rådmannen rår formannskapet til å legge følgjande framlegg til vedtak fram for kommunestyret:

Seljord kommune utarbeider ein digitaliseringsstrategi for kommunen. Det vert sett av inntil kr 150.000,- til arbeidet. Løyvinga vert tatt frå disposisjonsfondet.

Handsaming i Formannskap/økonomiutval - 02.03.2017

Framlegg frå Venstre v/Margit Elise Karlsen:

Seljord kommune utarbeidar ein digitaliseringsstrategi for kommunen.

Framlegget frå Venstre v/Margit Elise Karlsen vart avist med 6 røyster mot 1 røyst.

Vedtak i Formannskap/økonomiutval - 02.03.2017

Formannskapet/økonomiutvalet rår kommunestyret til å fatte følgjande vedtak:

Seljord kommune utarbeider ein digitaliseringsstrategi for kommunen. Det vert sett av inntil kr 150.000,- til arbeidet. Løyvinga vert tatt frå disposisjonsfondet.

Handsaming i Kommunestyret - 30.03.2017

Merknad frå Margit Karlsen (V):

Mitt framlegg i formannskapet om at prosessen bør utsetjast til ny rådmann er på plass vart ikkje protokollført i formannskapet.

Framlegg frå Margit Karlsen (V):

Proessen startar opp når ny rådmann er på plass.

Framlegget frå Margit Karlsen vart samrøystes vedteke som et tillegg til formannskapet si tilråding.

Vedtak i Kommunestyret - 30.03.2017

Seljord kommune utarbeider ein digitaliseringsstrategi for kommunen. Det vert sett av inntil kr 150.000,- til arbeidet. Løyvinga vert tatt frå disposisjonsfondet. Prosessen startar opp når ny rådmann er på plass.

PS 30/17 Kjøp av tenester frå Tinn kommune